

28-01-040

Erling Kristvik:

Vårt Land 26. mars 1960

Ideologi-omgrepet

NYLEG var det i Vårt Land tilsprang til eit ordskifte om ideologi-spørsmålet og den plass det bør ha i kristen tenking. Dessverre stogga det fort. At det var ille, bør ikkje vera tvil om, for det bør snart bli klårt at er det noko vår tid treng, så er det ein realistisk ideologi. Kvifor ikkje setja saka på spissen og seia: Nest etter den teologiske striden om den kristne truvedkjenninga i tidleg mellomalder og i reformasjonsåra vil brytingane kring ein ny ideologi i den nærmaste framtid stå som livsavgjerande for vesterlands kultur.

Vi bør snarast mogeleg koma til klårleik over at det er ei livssak for oss alle at menneskavinn fram til meir semje om dei store linene i våre freistnader på å øygna vegar framover i det mørke notids-virvar av meininger om alt mellom himmel og jord. Med det grenselause kaos i åndslivet når det gjeld synsmåter av økonomisk, politisk, sosial, kulturell og religiøs art, er vi fanga inn i ein blindebukkleik som berre kan enda i avgrunnen.

SOMME meiner at ordet ideologi ikkje er det rette som namn på tiltak av nyorienterande slag her. Det har vorte så «frysuts i kantane» av misbruk på mange måtar at det er vill-leiande, ja beint framfarleg å gje det heimstadrett i logisk tenkning. Andre vil nok medgje at ordet i visse leier har gjort nyttig teneste, men ein har også orda teori og hypotes til. Og i alle fall bør

Med tilknytning i den aktuelle debatten om ideologi, tar rektor Kristvik i dag omgrepet upp til fornaya dryfting.

ein hjelpe seg det foruten i vitskapeleg tankearbeit.

Omgrepet ideologi vart nyskapt for omlag halvtanna hundre år sidan. Det gav seg da ut for å gjelda tenking som vil kasta lys over eller gripa noko hovudsakeleg i serleg vide og omfatande problem i omfram djup og innfløkt samanheng. Og ein ting til: det gjaldt ikke berre å gjera slik samanheng skjøneleg teoretisk; ein trudde samstundes å finna siktspunkt for eit praktisk program, for løysing av fundamentale oppgåver på vedkomande felt, ja her skulle gjevast ein serleg appell nett i den leia. Slike ideologiar har spela ei ovleg viktig rolle i vår tids politiske, sosiale og moralske brytingar.

No er å merka at desse ideologiane har stor likskap med to andre arter av heilskaps-tenking.

FØRST er å nemna teologien. Teologen tek vanleg sitt utgangspunkt i det han held for å vera guddomleg openbering. Og så tolkar og tyder han innhaldet i slik openberring og når fram til meir eller mindre meiningsfylte og samanhengande dogme- og læresystem som krev tru utan å gje den vanlege menneskelege logikken til

øvste domar. Partivis kan teologen ta vitskapen i si teneste til å gripa det faktiske i religiøs tru og praksis gjennom tiden, men aldri til å døme om sanningsverdet i den gudomlege bodskapen i rein form t. d. når det gjeld sjølve gudsomgrepet.

Annleis med filosofien. Her er den menneskelege tanke og fornuft vegvisaren og autoriteten. Men filosofen godtek visse på førehand gjevne absolute prinsipp, postulat, aksiom, logiske lover som han held for å vera sjølvinnlysande sanne. Og med dei til hjelp spekulerar han seg gjennom kunnskap som også kan vera henta frå vitskapen, fram til tankar om eller systematisert heilsyn på hovudområde eller jamvel totaliteten av tilværet, utan å gjera eksperiment eller på annan måte røynsler om eller vinna beinveges kjennskap til det røynlege. Ja, ofte ber det ut over alle grenser inn i det mytiske om metafysiske, berre slik at det er ingen Gud som taler. Den menneskelege fantasi tumlar gjerne vilt med problem om verdsaltet, menneskelagnaden og livsens mål og mening.

TYNGDEPUNKTET skifter her att og fram mellom religion og filosofi, med liten eller ingen plass for vitskap. Etter kvart har så denne meldt seg med vilje til å gå vegen beint mot ei verd som er tilgjengeleg for sansing og røynsle, for eksperiment og kontroll. Og dette krevet har fått jamt sterkare makt. Men med vitskapen fylgjer analyse og spesialisering, med sans

for detaljar og isolerte kjensgjerningar så vitskapsmannen til slutt ikkje ser skogen for berre tre.

I mellomromet mellom filo-
det ordet meiner ein da det
åndelege strevet med å byggja
bru frå konkrete, faktiske kjens-
gjerningar som vitsaken dreg til
veges, over til det ålmenne og
abstrakte, til ein vidare syn-
tese. Ei mengd med meininger
om økonomiske, politiske og
kulturelle spørsmål gjev seg da
også ut for å springa fram av
reint vitskaplege fakta. Politiske
heilskapstankar som t. d.
dei marxistiske og nazistiske er
det beste døme her. Men dei
syner også korleis slik tenking
fører vill, av di denne vitskapen
går ærend for valdsmakter og
løgn. Utfallet er gjeve på føre-
hand, medan ein skylappriden
og tvangsstyrd tanke vel ut og
formar dei bygningssteinar som
høver i systemet.

MEN jamvel om mange slike
ulykkelege tiltak kan
skremma oss, er det slett ikkje
prov på at leitinga etter sanne
og sakleg vel underbygde ide-
ologiar alltid må mislykkast.
Ein ideolog kan setja seg føre
å sjå bort frå sine førehands-
meiningar, frigjera seg frå for-
domar og ferdiglagda synsmåtar
og vera open for beinveges opp-
leving og vitskapleg godkjende
kjensgjerningar. Let han så alt
dette liksom sjølv peike ut dei
avgjerande faktorar og stemne-
leier i skifteverknaden av og
samspelet mellom årsaker og
tendensar i den store verda, så
kunne det henda at hans eigen
tanke tok til å veva eit heil-
skapsmønster som ikkje gjorde
vald mot det verkelege.

Ideologisk tenking vil slett
ikkje henta alt sitt vyrke frå
vitskapen. For det er all grunn
til å rekna med andre realitetar
og enn dei som ein grip gjen-
nom vitskaplege metodar. Men

oppgava er likevel først og
fremst å finna ut kva røynleg
meining og sanning dei ein-
skilde kjensgjerningar får når
ein ser dei i den rette saman-
heng. Og ideologen vil så
kjenna seg viss på at i den
solide bygnaden som reiser seg
slik, vil den sanningskjære ånd
som vandrar vegen mot religiøs
tru og filosofisk visdom, også
koma til orde.

Kanhenda er til i dag ikkje
noko slikt mønster fullnøyande

Men det kunne vera von om at
stendig oppatt-tekne freist-
nader vil føra oss jamt nærare
målet.

ETTER denne tankeføringa og
etter det mest vanlege bruk
av omgrepet ideologi i det heile,
er det no t. d. lite råkande å
tala om **MRA**-«ideologi». Mykje
heller bør ein her nyttja ordet
idelære eller moral-filosofi, eit
system av etiske prinsipp. Med
eit bilet av det verda rett å
kalla dei fire MRA-absolutta
eit kompas, ein verdfull ret-
nings-visar, grunnformer av
ansvarsmedviten holdning til
livet og livsoppgåvene. Men
typiske ideologiar vil gje meir
enn slike abstrakte siktelinjer.
Dei byd ikkje berre kompas,
men også kart, bilet av det
landskapet menneska skal fer-
dast igjennom. Vanleg skjer det
gjennom eit historisk perspektiv
fram mot notidsverda. Nettopp
historiesynet er så sermerkt for
moderne ideologiar.

MENNESKELEG livsføring kan
ikkje fylgja snorrette liner
i tid og rom. Kompasset peikar
nok på endemålet, men sjølve
vegen svingar gjerne til bæ
sider og att og fram etter dei
konkrete omstende og serlege
hindringar og etter plasering og
val av hjelpemiddel for fram-
steget o. a. Det er dei uforlik-
lege meininger om alt dette som
valdar meir strid enn synet på

målet og dei store livsideal. Om
dei siste kan gode menneske,
kristne og andre, gjerne semjast,
men dette gjev ikkje alltid eins
meiningar om heimevern, skat-
tepolitikk, skoleskipnad, bonde-
program osb. osb.

Saman med propaganda for
grunnleggjande og sams for-
pliktande samfunnsetikk må gå
utforminga av ei ålmenn og
mest mogeleg konkret livsori-
enting, forankra i sentrale
kjensgjerningar som vitskapen
må hjelpe til med å leita fram.
Det duger ikke å vera gudeleg
og idealistisk når dette så ofte
er å vera klokingar på himmelen
og dårar på jorda. Det er sjøl-
sagt viktig å merka at heller
ikkje vitenskapen åleine løysar
oppgåva med sitt mektige for-
råd av kunnskap som aukar
storleg frå tid til tid. Heller
ikkje kan ein nøya seg med

teoriar om serlege problem, av
grensa livsfelt, skilde fagområde
osb. Vi er ikkje eingong tente
med såkalla livssyn, sidan desse
gjerne har meir emosjonelt enn
intellektuelt grunnlag. Dei blir
oftast forma av tradisjonelle
faktorar eller av reint individu-
elle røynsler.

BERRE ut frå eit samla syn
på dei reelle livsprosessar i
evolusjonistisk perspektiv og i
vid og djup analyse av det
mangeslungne flettverk av faktorar
i notidssituasjonen har vi
von om å få noko å halda oss
til. For tanken på vår ævelege
lagnad har vi forsømt det som
gjeld vårt medmenneskelege
ansvar i dag.

Vitskapen er helt umissande
her. Dessverre er vitskaps-
mennene ofte dei verste hin-
dringar for løysinga av opp-
gåva, for vitskapen er etter sin
«natur» helst analytisk og går

derfor i stor mon utanom dat
syntetiske oversynet. Feltspesia-
listar og fagekspertar ser gjerne
med mistillit og vanvyrdnad på
ideologiske tilsprang, jamvel
dei mest sakleg underbygde. Det
har slike som Toynbee og andre
tenkarar av hans type fått røy-
na. Atom-sprengjarar, i bok-
staveleg og overført tyding, har
gjerne sterkt medvind. Heilsyns-
arkitektar får helst den kalde
snoen frå nord over seg.

Trist at ein heller ikkje i
kristne krinser møter noko
større kjensle av saknad når
det gjeld hjelp til oversyn og
skjøn på samanheng. Sjølve
kristendomen er ikkje noko ide-
ologi og kan heller ikkje vera
det. Men ingen vaken, tenksam
og ansvarsmedviten kristen
burde vera uvitande om kor-
leis blindsak og åndskao i
notida har si hovudårsak i
skorten på ein samlande realis-
tisk ideologi.